

Platt partu:

Rundbreef 2026-02

Twée Frünnen

Bi Wirten, dor kriggt Frieder Döst,
wieldess de klamme Dieder fröst.
Liekers de Küll hett Dieder Freid
an all Dummtüüchs, dat Frieder deit.
Denn Frieder liggt bi Wirten flach
un warrt bloots noch to'n Flirten wach.
De Wirte freit de Sook — de kriegt
den Winst dorvun. De Kroog, de siegt;
se helpt den Öveldeder wieder. —
Mehr Sorgen maakt dat Weder Dieder.
Warrt dat noch dree Daag wieder sneen?
'keen dor nich freert, mutt Snieder ween!
Och ja, wi kriegt noch wieder Früst!
O Mann, wenn dat de Frieder wüsst...

Willkamen to'n Januar-Rundbreef 2026, leve plattdüütsche Maten un Frünnen!

Vun de goden Vörsätt, de mennigeen to Silvester faat, is meddewiel sachs nich mehr veel na. Afspecken höört ja jümmers wedder dorto. Plattpartu erfüllt düsse Vörsätt elk Johr — denn de Christmaand is jümmers en heel vulle Maand bi uns, wieldess wi in'n Sneemaand mächtig afspeckt 😊 Avers keen Bang nich, dat giff liekers veel Schööns bi uns, un in'n Johrsverloop speckt wi ok toverlässig wedder op!

Dat Niejohr keem mit tögerlich Tovertruun, en frischmaken Sandbad un de schöne Johrslosung "Kiek, ik maak allens nieg!" — un dat is ja wirklich bannig nödig. Donald Trump, de sik sülven ok för Gott hollen deit, harr desülvige Idee un hett glieks mal in Venezuela anfunzen. Leider woorn sien Ideen in'n Verloop vun'n Maand nich beter. — To'n Dreikönigsdag kemen fröher de Stiernsingers — hüüt faken ok noch — un de Snee. De is uns tru bleven bet nu — en richtige Winter mal wedder, wenn he ok in de utklingen Wiehnachtstied willkamener west weer. Welk blevt ganz cool. Avers Hans-Hermann Briese in sien lose Reeg mit Verteller un Riemels kiekt al in't Fröhjohr vörut. Un in mien Maandennotizen is heel un deel de Gegenpol vun't Johr to sehn — so schall dat ween.

Rein vun't Weder kunnen wi uns ja opstunns as in Grönland föhlen, hebbt wi ok — physikalisch un politisch — den Klimawannel in'n Nacken; man so veel Sorgen as üm Grönland mööt wi uns (noch) nich maken, hangt ok de Soschaalstaat beten dörch. Slimmer dücht mi, dat'n sik na över 80 Johr Holocaust-Gedenken, -Bedenken un -Nadenken wedder mit den niegen Faschismus uteneensetten mutt. To'n Övelwarnn. Poor Mannsminschen hebbt allerdings ganz anner Sorgen. Man dat giff ok anner

opregen Saken — [Artemis steiht op de Startrampe. Na'n Maan!](#) Dat gifft dree Starttied-Fenster, een is al apen. Wat'n Geföhl mutt dat ween...

En paar schöne Erinnern hebbt wi noch — an [en ole Kaat](#), an de Tied, [as Teppiche noch kloppt woorn](#) — un en [Märken, dat wedder good utgeiht](#). So wünscht wi uns dat överall!

Nu hebbt S' en schönen Februarmaand, leven Lü! Wi leest uns Anfang Märzmaand wedder!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Kunst:

[Notizen ut'n Braakmaand](#). Fotos un Verse vun Marlou Lessing (18.1.)
[Dörch dat Johr: Vun Winter na Fröhjohr](#). Versen un Vertelln vun Hans-Hermann Brieze (13.1.)
[Afscheed vun de Wiehnachtstied mit Rilke](#). Gedichtöverdragen vun Behrend Böckmann (12.1.)
[Snei föllt. Winterriemels](#) vun Behrend Böckmann (6.1.)
[Wenn't Niejohr so kümmt. Niejohrsriemel](#) vun Behrend Böckmann, Biller vun Elfi Riemenschneider (2.1.)

De Welt un Gott:

[Dei Mannslüd un dat Öller](#). Vun Behrend Böckmann (31.1.)
[Tau'n Holocaust-Gedenkdag an'n 27.01.2026](#). Vun Hans-Hermann Brieze (26.1.)
[Den Perser kloppen](#). Vun Behrend Böckmann (12.1.)
[Dei drei Hilligen Königs](#). Vun Behrend Böckmann (6.1.)
[Stiernsingers tau Hogenniejohr an'n 6. Januar](#). Vun Behrend Böckmann (4.1.)
[Allens nieg! Nadenken över de Johrslosung 2026](#) vun Marlou Lessing (4.1.)

In't lütte Gebeedbark:

[Herr, help mi höpen](#). Vun Marlou Lessing (10.1.)
[To Niejohr. Gedichtöversetten](#) vun Marlou Lessing (2.1.)

In't Notizbook vun't Erinnern:

[Mien lütte Kot](#). Vun Friedrich Schnoor (30.1.)

Natuur un Wetenschap:

[Dei Artemis-II-Mission: Dat gaiht na'n Maond!](#) Van Ludgerd Lüske (25.1.)
[Mal wedder en paar orntlich Winterdaag](#). Vun Meike Balzer-Fraun (12.1.)

In't aktuelle Natuur-Notizbook:

[Snee-Helden](#). Vun Marlou Lessing (13.1.)

[Neejohrsbaden in Lünken ehr Baadanstalt](#). Vun Meike Balzer-Fraun (2.1.)

Wat in de Welt vörgeiht:

[Grönland — dei 51. Bundsstaat?](#) Vun Behrend Böckmann (25.1.)

[Schaulplicht ja, Arbeitsplicht nee!](#) Vun Behrend Böckmann (24.1.)

[Klima, Schnei, Poetik un Bang](#). Vun Behrend Böckmann (18.1.)

In't plattdüütsche Notizbook vun Marlou Lessing:

[Arbeitsplicht!](#) (31.1.)

[De keen Bang hebbt](#) (26.1.)

[Dag vun'e apen Döör?](#) (24.1.)

[Ünner Genies](#) (10.1.)

[Ünner Roofdeerten](#) (10.1.)

[Opklaarn to Niegjohr](#) (3.1.)

[Optakt mit Zynismus](#) (2.1.)

För Kinner:

[Modder Sünn ehr Kinner: De lüttje Kaakputt](#). Märken vun Sophie Reinheimer,
överdragen vun Klaus-Dieter Tüxen (30.1.)

Hartlich grööt

Marlou Lessing un dat lütte Plattpartu-Team